



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბლიოტკინი პეტრე მიხეილის ძე

ბლიოტკინი პეტრე მიხეილის ძე (20. VI. 1903, თბილისი, – 5. II. 1988, იქვე), რუსი ფერმწერი, ძირითადად პორტრეტისტი და პეიზაჟისტი. საქართვე. დამს. მხატვარი (1961).

ცხოვრობდა და მოღვაწეობდა საქართველოში. 1929 დაამთავრა თბილ. სამხატვრო აკადემია. იყო ი. შარლემანის, ე. თათევისიანის და ე. ლანსერეს მოწაფე. სამხატვრო გამოფენებში მონაწილეობდა 1930-იდან. მთავარი ნამუშევრები: „კარნავალი“ (1936), „ვ. პეტროვას პორტრეტი“ (1937 – 38, საქართვე. ხელოვნ. მუზეუმი, თბილისი), „თბილისის წვიმა“ (1961), „ირმა სოხაძის პორტრეტი“ (1977) და სხვ. ბ-ის პორტრეტებში და ძვ. თბილისისა და საქართველოს (კახეთის) სხვადასხვა კუთხის ამსახველ პეიზაჟებში ვლინდება მხატვრის განსაკუთრებული გატაცება კოლორისტული ამოცანებით.
